



## Dadaalada dhanka aragtida oo hore u sii socda iyada oo la isticmaalayo kulamada Isbahaysiga Dhanka Tilmaanta

Dugsiyada Dadweynaha Portland oo astaan u noqday tallaabo muhiim ah oo laga qaaday dhanka shaqada horraantii bishan si aragti muddo dheer leh loogu keeno degmada, iyada oo la adeegsanayo kulamada u horreeya ee Isbahaysiga Dhanka Tilmaanta ee PPS 'Guiding Coalition'. Kulamada, oo ay ku jireen ka qayb qaatayaal qiyaastii gaaraya 100 isla markaana hal hays looga dhigay Aynu Si wadajir Ah Riyo U Lahaano "Let's Dream Together," ayaa Diisambar 7 ka dhacay Xarunta Adeega Waxbarashada Blanchard iyo maalinta oo dhan Diisambar 8 ka socday Dugsiga Faubion.

Xubno ka tirsan Isbahaysiga Dhanka Tilmaanta 'Guiding Coalition' ayay aqoonsadeen isla markaana martiqaadeen Guddiga Waxbarashada PPS iyo Kormeeraha Guud Guadalupe Guerrero si ay uga qayb qaataan. Xubnaha oo ay matalayeen qayb ka mid ah bulshada degmada oo ay ku jireen arday, macallimiin, hoggaamiyayaasha dugsiga, waalidiin, hawl-wadaagayaasha dhanka shaqada, xubnaha bulshada ka tirsan, hoggaamiyaasha ganacsiga, mas'uuliyiintan la doortay iyo xafiiska dhexe ee shaqaalaha.

"Markii aanu ka fikiraynay cidda naga caawin karta dejinta qorshaha shaqo ee lagaga maarmaanka u ah daboolida baahiyaha ardayda, macallimiinta iyo qoysaska PPS ee mustaqbalka, waan ogayn in aan u baahanahay guddi hoggaamineed oo ka turjumaysa kala duwanaanshaha hodanka ee degmada ka jira," ayuu sheegay Jonathan Garcia, oo ah Agaasimaha Sare ee Iskaashiyada Istaraatiijiga ah & Arrimaha Dibadda ee PPS. "Waxaan qabaa in kuwo badan oo naga mid ahi ay rajo ka qabeen kulamadan u horreeya, balse aysan hubin waxa ay filayeen. Isbahaysiga Dhanka Tilmaanta 'Guiding Coalition' waxay kor u dhaafeen oo ka wanaagsanaadeen rajadii aan ka qabnay; tamartooda iyo muhiimad siintooduna waxay ahaayeen kuwo aad u wanaagsan toddobaadka dhammaadkiisa oo dhan. Waa mid farxad dheeraad ah leh in la ogaado in ay dad badani diyaar u yihiin in ay sameeyaan ballanqaadkani weyn si saameyn ugu yeeshaan mustaqbalka waxbarashada Portland."

Shaqada kulamadani waxaa ka mid ah dhageysi ku saabsan isbeddelada mustaqbalka ee dhanka waxbarashada, tiknoolajiyada iyo shaqada oo laga dhageysanayo guddi dhanka mustaqbalka ku xeel dheer iyo ogaanshaha saameynta ay isbeddeladani u leeyihiin Portland. Shaqada ka qayb qaatayaasha soo haray waxay ahayd isdhexgal oo ay ku jireen layliyo yar yar iyo kuwo waaweyn. Warqadaha waaweyn ee wax lagu qoro iyo warqadaha qoraalka ee wax lagu dhejiyo 'sticky notes' ayaa u muuqday kuwo qariyay/daboolay goobta jimicsiga ee Faubion galabnimadii Sabtida iyada oo ay ka qayb qaatayaashu dadka la wadaageen riyoooyinkooda ah waxa noqon doonto mudnaanta ugu muhiimsan ee u adeega ardayda iyo dugsiyada ee jiilka soo socda.

Kulanka waxaa fududeeyay kooxda Prospect Studio, oo waayo-aragnimadoodu dhanka taageerida bixiyayaasha waxbarashada in ay helaan “north stars” u gaar ah ay ka mid tahay shaqo guul leh oo ay ka qabteen California iyaga oo tala siiyay degmooyinka waxbarasho oo ka jira gobolo kala duwan.

Iyada oo muhiim tahay, doorka dhexe ee Isbahaysiga Dhanka Tilmaanta ‘Guiding Coalition’ waa in ay tahay guddi hoggaamineed; inta badan talooyinka awooda siin doona qorshaha Aragtiyeed ee PPS waxay ka imaan doona bulsho weynta PPS. Laga bilaabo Janaayo, Kooxda Muhiimada Aragtida waxay la shaqeyn doontaa ururada bulshada ku saleysan oo badan hawl-wadaagayaasheena dhanka shaqada iyo hoggaamiyeyaasheena dugsiya si wax looga dhageysto muwaadiniinteeda kala duwan. PPS waxay dabayaaqada bisha qaban doontaa kulan bulshada u furan (oo faahfaahintiisa waqti dhow la heli doono), waxaana laga dhigi doona mid laga heli karo internet-ka si qof kasta oo ka tirsan bulshada PPS ay talo uga dhiibtaan waxa ay rabaan in uu noqdo mustaqbalka PPS. Waxaa sidoo kale jira fursado u gaar ah macallin iyo xafiiska dhexe oo si dhaqso ah loogu dhawaaqi doono.

Sidaa darteed, haddii aad akhriyayso tani, ogow in aad haysan doonto siyaabo badan oo aad wax kula wadaagto riyooyinkaaga. Kooxda Muhiimada (shaqaalaha PPS oo loo xilsaaray isku-duwida iyo fududeynta iyo bixinta taageero dhanka hawlgalka iyo qorsheynta oo ku aadan nidaamka aragtiyeed) waxay maalmaha soo socda dadka la wadaagi doonaan faahfaahinta ku saabsan fursadahaani.

“Waxaan rajeynaynaa in aan u tegno bulshada si aan qof kasta wax uga dhageysano iyo qof kasta oo raba in uu riyooyinka nala wadaago,” ayuu sheegay Garcia. “Hadafkayagu waa in aanu ka dhigno mid suurtagal ah isla markaana ku haboon qof kasta si ay talo uga dhiibtaan mustaqbalka PPS, waxaan aad uga shaqeynaynaa bixinta fursado badan—marka la eego kulamada yar yar, dhacdooyinka waaweyn iyo dhanka internet-ka—taasi oo loogu talagalay wax daneeyayaashayada si ay taasi u sameeyaan.”

[Halkan riix](#) si aad waxyaabo dheeraad ah uga ogaato Isbahaysiga Dhanka Tilmaanta ‘Guiding Coalition’, qorshaha Aragtiyeed, barnaamijka ee PPS iyo siyaabaha aad uga qayb qaadan karto.

*-David Roy, La taliyaha, Wada xiriirka Dhanka Gudaha*